

糖霜譜

錄鬼簿

二十



棟亭藏本

糖霜譜

揚州詩局重刊

古書流通處借南
陵徐氏藏本影印

頤堂先生糖霜譜

原委第一

糖霜一名糖冰福唐四明番禺廣漢遂寧有之獨遂寧
爲冠四郡所產甚微而碎色淺味薄纔比遂之最下者
凡物以希有難致見珍故查梨橙柑荔枝楊梅四方不
盡出乃貴重於世若甘蔗所在皆植所植皆善非異物
也至結蔗爲霜則中國之大止此五郡又遂寧專美焉
外之夷狄戎蠻皆有佳蔗而糖霜無聞此物理之不可
詰也先是唐大曆間有僧號鄒和尚不知所從來跨白
驢登織山結茅以居須鹽米薪菜之屬即書付紙繫錢



遂寧王灼晦叔父撰



遣驢負至市區人知爲鄒也取平直挂物於鞍縱驢歸
一日驢犯山下黃氏者蔗苗黃請償於鄒鄒曰汝未知
窹蔗糖爲霜利當十倍吾語女塞責可乎試之果信自
是流傳其法糖霜戶近山或望繖山者皆如意不然萬
方終無成鄒末年棄而北走通泉縣靈鷲山龕中其徒
追躡及之但見一文殊石像衆始知大士化身而白驢
者獅子也鄒結茅處今爲楞嚴院糖霜戶猶畫鄒像事
之擬文殊云敷文閣待制蘇公仲虎嘗守遂寧謂蜀士
指肴陽水秀普慈石秀乃不知此邦平行清麗之爲土
秀也土爰稼穡稼穡作甘糖霜之甘擅天下非土之特
秀也歟

第二

自古食蔗者始為蔗漿宋玉作招魂所謂肺鱉炮羔有

柘漿是也

王逸註柘諸蔗也又云柘一作蔗

其後為蔗錫孫亮使黃門就中

藏吏取交州所獻甘蔗錫是也其後又為石蜜廣志云

蔗錫為石蜜南中八郡志笮甘蔗汁曝成錫謂之石蜜

本草亦云煉糖和乳為石蜜是也唐史載太宗遣使至

摩揭陀國取熬糖法即詔揚州上諸蔗柞瀋如其劑色

味愈西域遠甚按集韻酢笮醢醢通用而玉篇柞側板

切疑字誤熬糖瀋作劑似是今之沙糖也蔗之技盡於

此不言作霜然則糖霜非古也戰國後論吳蜀方物如

左太冲三都賦論旨味如宋玉招魂景差大招枚乘七

發傳毅七激崔駟七依李尤七疑元鱗七說張衡七辨
曹植七啓徐幹七喻劉邵七華張協七命陸機七徵湛
方生七歡蕭子範七誘水陸動植之產搜羅殆盡未有
及此者歷世詩人摸奇寫異不可勝數亦無一章一句
至本朝元祐間大蘇公過潤州金山寺作詩送遂寧僧
圓寶有云浯江與中冷共此一味水冰盤薦琥珀何似
糖霜美元符間黃魯直在戎州作頌荅梓州雍熙光長
老寄糖霜有云遠寄蔗霜知有味勝於崔浩水晶鹽正
宗掃地從誰說我舌猶能及鼻尖遂寧糖霜見於文字
實於二公然則糖霜果非古也吾意四郡所產亦起世
耳

第三

織山在小溪縣涪江東二十里孤秀可喜山前後爲蔗田者十之四糖霜戶十之三蔗有四色曰杜蔗曰西蔗曰芳蔗本草所謂荻蔗也曰紅蔗本草所謂崑崙蔗也紅蔗止堪生噉芳蔗可作沙糖西蔗可作霜色淺土人不甚貴杜蔗紫嫩味極厚專用作霜藏種法擇取短者芽生節間短則節密而多芽掘坑深二尺闊狹從便斷去尾倒立坑中土蓋之不倒則雨水入夾葉久必壞凡蔗田十一月後深耕杷樓燥土縱橫摩勞令熟如開渠闊尺餘深尺五兩傍立土壠上元後二月初區種行布相儻灰薄蓋之又蓋土不過二寸清明及端午前後兩次以猪牛糞細和灰薄蓋之蓋土常

使露芽六月半再使溷糞餘用前法草不厭數耘土不厭數添但常使露芽候高成叢用大鋤翻壟上土盡蓋十月收刈凡蔗最因地力不可雜他種而今年爲蔗田者明年改種五穀以休地力田有餘者至爲改種三年糖霜成處山下曰禮佛壩五里曰乾灘壩十里曰石溪壩江西與山對望曰鳳臺鎮大率近三百餘家每家多者數十甕少者一二甕山左曰張村曰巷口山後曰濡池曰吳村江西與山對望曰法寶院曰馬鞍山亦近百家然霜成皆中下品

張村屬蓬溪縣鳳臺鎮屬長江縣

並山一帶曰白水鎮

曰土橋雖多蔗田不能成霜歲壓糖水賣山前諸家

第四

糖霜戶器用曰蔗削如破竹刀而稍輕曰蔗鎌以削蔗闊四寸長尺許勢微彎曰蔗凳如小杓子一角鑿孔立木叉束蔗三五挺閣义上斜跨凳剉之曰蔗碾駕牛以碾所剉之蔗大硬石爲之高六七尺重千餘斤下以硬石作槽底循環丈餘曰榨斗又名竹袋以壓蔗高四尺編當年慈竹爲之曰棗杵以築蔗入榨斗曰榨盤以安斗類今酒槽底曰榨牀以安盤牀上架巨木下轉軸引索壓之曰漆甕表裏漆以收糖水防津漏凡治蔗用十月至十一月先削去皮次剉如錢上戶削剉至一二十人兩人削供一人剉次入碾碾闕則舂碾訖號曰泊次丞泊丞透出甑入榨取盡糖水投釜煎仍上丞生泊約

糖水七分熟權入甕則所丞泊亦堪榨如是煎丞相接

事竟歇三日過期則釀再取所寄收糖水煎又候九分熟稠如錫

十分大稠則成沙脚沙音嘎插竹徧甕中始正入甕簾箕覆之此造糖霜

法也已榨之後別入生水重榨作醋極酸

第五

糖水入甕兩日後甕面如粥文染指視之如細沙上元

後結小塊或綴竹梢如粟穗漸次增大如豆至如指節

甚者成座如假山俗謂隨果子結實至五月春生夏長

之氣已備不復增大乃瀝甕過初伏不瀝則化為水下戶急欲前四月瀝霜雖結糖

水猶在瀝甕者岸出糖水取霜瀝乾其竹梢上團枝隨

長短剪出就瀝瀝定曝烈日中極乾收甕四周循環連

綴生者曰甕鑑顆塊層出如崖洞間鍾乳但側生耳不可遽瀝瀝須就甕曝數日令乾硬徐以鐵鏟分作數片出之凡霜一甕中品色亦自不同堆疊如假山者爲上團枝次之甕鑑次之小顆塊次之沙脚爲下紫爲上深琥珀次之淺黃色又次之淺白爲下不以大小尤貴牆壁密排俗號馬齒霜面帶沙脚者刷去之亦有大塊或十斤或二十斤最異者三十斤然中藏沙脚號曰舍凡沙霜性易銷化畏陰濕及風遇曝時風吹無傷也收藏法乾大小麥鋪甕底麥上安竹篾密排笋皮盛貯綿絮覆篾簾箕覆甕寄遠即瓶底著石灰數小塊隔紙盛貯厚封瓶口

第六

糖霜戶治良田種佳蔗利器用謹土作一也而收功每異自耕田至瀝甕殆一年半開甕之日或無銖兩之獲或數十斤或近百斤有暴富者村俗以卜家道盛衰霜全不結賣糖水與自熬沙糖猶取善價於本柄亦未甚損也其得糖者水或餘半亦以賣或自熬沙糖惟全甕沙脚者水耗十之九春中先瀝甕曝乾少緩則化爲水宣和初宰相王黼創應奉司遂寧常貢外歲進糖霜數千斤是時所產益奇牆壁或方寸應奉司罷不再見豈天出珍異不爲凡庶設乎然當時州縣因之大擾敗本業者居半至今未復又有巧營利者破荻竹編狻猊燈

球狀投糖水甕中霜或就結比常霜益數倍之直第不能必其成又懼州縣強索無以應矣近歲不作

第七

本草稱甘蔗消痰止渴除心煩熱今糖霜亦如之然沙糖招痰飲殊不可曉也有作湯者作餅者并附其法對金湯糖霜乾山藥等分細研鳳髓湯糖霜乾蓮子乾山藥等分細研內蓮子去赤皮妙香湯糖霜一斤細研別研吳氏龍涎香七分餅和之糖霜餅不以斤兩細研劈松子或胡桃肉研和勻如酥蜜食模脫成模方圓雕花各隨意 不過寸研糖霜必擇顆塊者沙脚即膠粘不堪用

范蔚宗作香譜蔡君謨作荔支茶兩譜皆極盡物理
舉世皆以爲當晦叔作糖霜譜余聞之且久偶獲七
篇盡讀於大慈之方丈院將見與范蔡之文並馳而
爭先矣紹興二十四年甲戌季春初六卧雲菴守元
書

蘇東藏本丙戌九月
重刻于揚州懷遠

棟亭藏本

錄鬼簿

揚州詩局重刊

古書流通處借南
陵徐氏藏本影印

賢愚壽夭死生禍福之理固兼乎氣數而言聖賢未嘗
不論也蓋陰陽之詘伸即人鬼之生死人而知夫生死
之道順受其正又豈有巖牆桎梏之厄哉雖然人之生
斯世也但以已死者爲鬼而不知未死者亦鬼也酒罌
飯囊或醉或夢塊然泥土者則其人與已死之鬼何異
此固未暇論也其或稍知義理口發善言而於學問之
道甘於暴棄臨終之後漠然無聞則又不若塊然之鬼
爲愈也予嘗見未死之鬼弔已死之鬼未之思也特一
間耳獨不知天地開闢亘古及今自有不死之鬼在何
則聖賢之君臣忠孝之士子小善大功著在方冊者日
月炳煥山川流峙及乎千萬劫無窮已是則雖鬼而不

鬼者也余因暇日緬懷故人門第卑微職位不振高才博識俱有可錄歲月彌久湮沒無聞遂傳其本末弔以樂章復以前乎此者叙其姓名述其所作冀乎初學之士刻意詞章使冰寒於水青勝於藍則亦幸矣名之曰錄鬼簿嗟乎余亦鬼也使已死未死之鬼作不死之鬼得以傳遠余又何幸焉若夫高尚之士性理之學以爲得罪於聖門者吾黨且噉蛤蜊別與知味者道

至順元年龍集庚午月建甲申二十二日辛未古汴鍾嗣成序

新編錄鬼簿卷上



汴 鍾 嗣成 編



前輩已死名公有樂府行於世者

董解元

大金章宗時人以其創始故列諸首

太保劉公秉忠

商政叔學士

杜善夫散人

閻仲章學士

張子益平章

王和卿學士

蓋志學學士

楊西菴叅政

胡紫山宣慰

少凱

盧疎齋學士

處道

姚牧菴叅政

徐子方憲使

不忽木平章

史中丞

張九元帥

荆漢臣叅政

陳草菴中丞

張夢符憲使

陳國賓憲使

劉中菴承旨

馬彥良都事

趙子昂承旨

閻彥舉學士

白無咎學士

滕玉霄應奉

鄧玉賓同知

馮海粟待制

貫酸齋學士

曹光輔學士

張洪範宣慰

方今名公

郝新菴左丞

曹以齋尚書

明克

劉時中待制

薩天錫照磨

李漑之學士

曹子貞學士

馬昂夫總管

班恕齋知州

功彥

馮雪芳府判

王繼學中丞

右前輩公卿居要路者皆高才重名亦於樂府留心蓋文章政事一代典型乃平日之所學而歌曲詞章由於和順積中英華自然發外自有樂章以來得其名者止於此蓋風流蘊藉自天性中來若夫村樸鄙陋固不必論也

前輩已死名公才人有所編傳奇行於世者

關漢卿

大都人太醫院尹號已齋叟

關張雙赴西蜀夢

董解元醉走柳絲亭

丙吉教子立宣帝

薄太后走馬救周勃

太常公主認先皇

曹太后死哭劉夫人

荒墳梅竹鬼團圓

閨怨佳人拜月庭

風月狀元三負心

沒興風雪癘馬記

金銀交鈔三告狀

蘇氏進織錦回紋

介休縣敬德降唐

昇仙橋相如題柱

金谷園綠珠隊樓

漢匡衡鑿壁偷光

劉夫人書寫萬花堂

呂蒙正風雪破窰記

晏叔元風月鷓鴣天

錢大尹智寵謝天香

姑蘇臺范蠡進西施

開封府蕭王勘龍衣

杜樂娘智賞金線池

柳花亭李婉復落娼

望江亭中秋切鱠旦

甲馬營降生趙太祖

賢孝婦風雪雙駕車

雙提屍冤報汴河冤

老女壻金馬玉堂春

宋上皇御斷姻緣簿

崔玉簫擔水澆花旦

晉國公裴度還帶

隋煬帝牽龍舟

風雪狄梁公

屈勘宣華妃

月落江梅怨

煙月舊風塵

管寧割席

白衣相高鳳漂麥

孫康映雪

唐明皇哭香囊

唐太宗哭魏徵

鄧夫人哭存孝

關大王單刀會

溫太真玉鏡臺

武則天肉醉王皇后

翠華妃對玉釵

漢元帝哭昭君

劉夫人救啞子

劉盼盼鬧衡州

呂無雙銅瓦記

瓦一作丸

風流孔目春衫記

萱草堂玉簪記

錢大尹鬼報緋衣夢

楚雲公主酹江月

魯元公主三墩赦

醉娘子三撇嵌

詐妮子調風月

高文秀

東平人府學早卒

黑旋風詩酒麗春園

黑旋風大鬧牡丹園

黑旋風敷演劉耍和

老郎君養子不及父

黑旋風鬪雞會

黑旋風窮風月

黑旋風喬教學

黑旋風雙獻頭

黑旋風借屍還魂

禹王廟霸王舉鼎

忠義士班超投筆

五鳳樓潘安擲果

好酒趙元遇上皇

木义行者鎖水母

豹子尚書謊秀才

豹子秀才不當差

豹子令史干請俸

病樊噲打呂青

劉先主襄陽會

窮秀才雙棄瓢

煙月門神訴冤

須賈醉范雎

周瑜謁魯肅

風月害夫人

伍子胥棄子走樊城

太液池兒女竝頭蓮

鄭元和風雪打瓦罐

醉秀才戒酒論杜康

相府門廉頗負荆

御史臺趙堯辭金

志公和尚開啞禪

宣帝問張敞畫眉

鄭廷玉

彰德人

楚昭王疎者下船

齊景公駟馬奔陣

采石渡漁父辭劍

冷臉劉斌料到底

布袋和尚忍字記

孟縣宰因禍致福

風月郎君雙教化

冤報冤貧兒乍富

宋上皇御斷金鳳釵

包待制智勘後庭花

吹簫女悔教鳳皇兒

尉遲公鞭打李道煥

子父夢秋夜樂城驛

賣兒女沒興王公綽

一百二十行販揚州

看錢奴寬家債主

奴殺主因福折福

曹伯明復勘賊

漢高祖哭韓信

蕭丞相復勘賊

孟姜女送寒衣

風月七真堂

孫恪遇爰

白仁甫

文舉之子名樸真定人號蘭谷先生贈嘉議大夫掌禮儀院太御

秋江風月鳳皇船

鴛鴦簡牆頭馬上

蕭翼智賺蘭亭記

唐明皇秋夜梧桐雨

韓翠蘋御水流紅葉

董秀英花月東牆記

祝英臺死嫁梁山伯

楚莊王夜宴絕纓會

蘇小小月夜錢塘夢

薛瓊月夜銀箏怨

唐明皇游月宮

漢高祖斬白蛇

閻師道趕江

泗上亭長

崔護謁漿

庾吉甫

名天錫大都人中書省
掾除員外郎中山府判

隋煬帝江月錦帆舟

孟嘗君雞鳴度關

會稽山買臣負薪

薛昭誤入蘭昌宮

封隲先生罵上元

英烈士周處三害

楊太真霓裳怨

楊太真華清宮

常何薦馬周

裴航遇雲英

列女青綾臺

玉女琵琶怨

秋夜凌波夢

秋月藥珠宮

蘇小春麗春園

馬致遠

大都人號東籬任
江浙行省務官

劉阮誤入桃源洞

江州司馬青衫淚

風雪騎驢孟浩然

太華山陳搏高卧

凍吟詩踏雪尋梅

大人先生酒德頌

呂太后人甄戚夫人

呂洞賓三醉岳陽樓

王祖師三度馬丹陽

孟朝雲風雪歲寒亭

呂蒙正風雪飯後鐘

孤雁漢宮秋

李文蔚

真定人江州路瑞昌縣尹

漢武帝死哭李夫人

蔡道遥醉寫石州慢

盧亭亭擔水澆花旦

張子房圮橋進履

報寬臺燕青撲魚

濯錦江魚雁傳情

謝安東山高卧

趙公輔次本鹽成韻

謝玄破苻堅

金水題紅怨

秋夜芭蕉雨

風雪推車記

燕青射雁

李直夫

女直人德興府
住卽蒲察李五

念奴教樂府

武元皇帝虎頭牌

穎考叔孝諫莊公

鄧伯道棄子留姪

風月郎君怕媳婦

尾生期女滄藍橋

宦門子弟錯立身

歹鬪娘子勸丈夫

俏郎君占斷風光好

謊郎君敗壞盡風光好

晏叔原風月夕陽樓

吳昌齡

西京人

唐三藏西天取經

張天師夜祭辰鉤月

浣花女抱石投江

那吒太子眼睛記

浪子回回賞黃花

鬼子母揭鉢記

月夜走昭君

狄青撲馬

貨郎末泥

王實甫

大都人

東海郡于公高門

孝父母明達賣子

曹子建七步成章

才子佳人拜月庭

韓彩雲絲竹芙蓉亭

金瓶梅卷一
崔鶯鶯待月西廂記

蘇小郎月夜販茶船

四大王歌舞麗春臺

呂蒙正風雪破窑記

趙光普進梅諫

詩酒麗春園

陸績懷橘

雙渠怨

嬌紅記

武漢臣

濟南府人

抱姪攜男魯義姑

虎牢關三戰呂布

鄭德輝
次本

女元帥挂甲朝天

曹伯明錯勘賊

次本

窮韓信登壇拜將

趙太子弼立天子班

鄭瓊娥梅雪玉堂春

謝瓊雙千里關山怨

散家財天賜老生兒

四哥哥神助

王仲文

大都人

淮陰縣韓信乞食

洛陽令董宣強項

感天地王祥臥冰

七星壇諸葛祭風

漢張良辭朝歸山

齊賢母三教王孫賈

諸葛亮秋風五丈原

趙太祖夜斬石守信

救孝子賢母不認屍

孟月梅寫恨錦江亭

李壽卿

太原人將仕郎徐縣丞

說專諸伍負吹簫

月明三度臨岐柳

船子和尚秋蓮夢

呂太后定計斬韓信

呂太后夜鎮鑑湖亭

司馬昭復奪受禪臺

鼓盆歌莊子歎骷髏

呂太后祭澶水

呂無雙遠波亭

辜負呂無雙

與遠波亭
關目同

尚仲賢

真定人江浙
行省務官

張生煮海

崔護謁漿

十六曲
次本

尉遲恭三奪槲

陶淵明歸去來辭

鳳皇波越娘背燈

洞庭湖柳毅傳書

沒興花前秉燭旦

武成廟諸葛論功

海神廟王魁負桂英

漢高祖濯足氣英布

石君寶

平陽人

士女秋香怨

呂太后醢彭越

柳眉兒金錢花

窮解子紅綃驛

魯大夫秋胡戲妻

東吳小喬哭周瑜

李亞仙詩酒曲江池

趙二世醉走雪香亭

張天師斷歲寒三友

諸宮調風月紫雲亭

楊顯之

大都人與漢卿莫逆交
凡有珠玉與公較之

劉泉進瓜

金身錄卷一
黑旋風喬斷案

醜駙馬射金錢

臨江驛瀟湘夜雨

蕭縣君風雪酷寒亭

蒲魯忽劉屠大拜門

大報冤兩世辨劉屠

借通縣跳神師婆旦

紀天祥

大都人與李壽
卿鄭廷玉同時

驢皮記

曹伯明錯勘賊

李元真松陰記

趙氏孤兒冤報冤

韓湘子三度韓退之

信安王斷復販茶船

于伯淵

平陽人

白門斬呂布

呂太后餓劉友

丁香回回鬼風月

莽和尚復奪珍珠旗

尉遲公病立小秦王

狄梁公智斬武三思

戴善甫

真定人江浙
行省務官

伯俞泣杖

宮調風月紫雲亭

關大王三捉紅衣怪

陶秀寶醉寫風光好

柳耆卿詩酒翫江樓

王廷秀

山東益都人
陶金千戶

鹽客三告狀

秦始皇坑儒焚典

周亞夫屯細柳營

石頭和尚草菴歌

張時起

字才英東平府
學生長蘆居

昭君出塞

賽花月秋千記六折

霸王垓下別虞姬

沈香太子劈華山

費唐臣

大都人君
祥之子

斬鄧通

漢丞相韋賢贏金

蘇子瞻風雪貶黃州

趙子祥

崔和擔土

風月害夫人

次木

太祖夜斬石守信

次本

姚守中

洛陽人牧養學士姪平江路吏

漢太守郝連留錢

神武門逢萌挂冠

褚遂良扯詔立東宮

李好古

保定人或云西平人

張生煮海

巨靈劈華嶽

趙太祖鎮凶宅

趙文殷

彰德人教坊色長

渡孟津武王伐紂

宦門子弟錯立身次本

張果老度脫啞觀音

張國寶

大都人即喜特營教坊勾管

漢高祖衣錦還鄉

薛仁貴衣錦還鄉

相國寺公孫汗衫記

紅字李二

京兆人教坊劉要和婿

病楊雄

板踏兒黑旋風

折擔兒武松打虎

李郎

劉要和婿或云張國寶作

懋燥判官釘一釘

莽張飛大鬧相府院

趙天錫

汴梁人鎮江府判

試湯餅何郎傅粉

賈愛卿金錢剪燭

梁進之

人都人警巡院判除縣尹又除大興府判次除知和州與漢卿世交

趙光普進梅諫

東海郡于公高門

且本

王伯成

涿州人有天寶遺事諸宮調行於世

張騫泛浮槎

李太白貶夜郎

孫仲章

大都人或云李仲章

卓文君白頭吟

金章宗斷遺留文書

趙明道

大都人

陶朱公范蠡歸湖

韓湘子三赴牡丹亭

趙公輔

平陽人儒學提舉

晉謝安東山高臥

汴本

棲鳳堂倩女離魂

李子中

大都人知事除縣尹

崔子弑齊君

賈充宅韓壽偷香

李進取

大名人官
醫大夫

窮解子破傘雨

神龍殿樂巴啜酒

司馬昭復奪受禪臺

岳伯川

濟南人或
云鎮江人

羅光遠夢斷楊貴妃

呂洞賓度鐵拐李岳

康進之

棣州人一
云陳進之

黑旋風老收心

梁山泊黑旋風負荆

顧仲清

東平人清
泉場司令

陵母伏劍

滎陽城火燒紀信

石子章

大都
人

秦脩然竹塢聽琴

黃貴娘秋夜竹窗雨

侯正卿

真定人號
艮齋先生

關盼盼春風燕子樓

史九散人

真定人武
昌萬戶

花間四友莊周夢

孟漢卿

亳州
人

張鼎智勘魔合羅

李寬甫

大都人刑部令史
除廬州合淝縣尹

漢丞相丙吉問牛喘

李行甫

絳州人

包待制智賺灰欄記

費君祥

大都人唐臣父與漢鄉
交有愛女論行於世

才子佳人菊花會

江澤民

真定人

糊突包待制

陳寧甫

大名
人

風月兩無功

陸顯之

汴梁人有好兒趙正本

宋上皇碎冬凌

狄君厚

平陽人

晉文公火燒介子推

孔文卿

平陽人

秦太師東窗事犯

一云楊駒兒作

張壽卿

東平人浙江省掾吏

謝金蓮詩酒紅梨花

劉唐卿

太原人皮貨所提舉在王彥博左丞席上曾詠博山銅細裊香風者

蔡順摘椹養母

李三娘麻地捧印

彭伯威 保定人

四不知月夜京娘怨 又云郭安道作

李時中 大都人中書省掾除工部主事

開壇闡教黃梁夢 第一折馬致遠 第二折李時中 第三折花李郎學士 第四折紅字李二

右前輩編撰傳奇名公僅止於此才難之云不其然乎余僻處一隅聞見淺陋散在天下何地無才蓋聞則必達見則必知姑叙其姓名於右其所編撰余友陸君仲良得之於克齋先生吳公然亦未盡其詳余生也晚不得預几席之末不知出處故不敢作傳以弔云

新編錄鬼簿卷上

棟亭藏本丙戌九月
重刻于揚州懷院

錄鬼簿卷下

古汴 鍾嗣成 編

方今已亡名公才人余相知者爲之作傳以凌波
曲弔之

宮天挺

天挺字大用大名開州人歷學官除釣臺書院山長
爲權豪所中事獲辨明亦不見用卒於常州先君與
之莫逆交故余常得侍坐見其吟詠文章筆力人莫
能敵樂章歌曲特餘事耳

嚴子陵釣魚臺

會稽山越王嘗膽

死生交范張雞黍

濟飢民汲黯開倉

宋仁宗御覽托公書

宋上皇御賞鳳凰樓

豁然胸次埽塵埃久矣聲名播省臺先生志在
乾坤外敢嫌天地窄更詞章壓倒元白憑心地
據手策數當今無比英才

鄭光祖

光祖字德輝平陽襄陵人以儒補杭州路吏爲人方
直不妄與人交故諸公多鄙之久則見其情厚而他
人莫之及也病卒火葬於西湖之靈芝寺諸弔送各

有詩文公之所作不待備述名香天下聲振閨閣伶
倫輩稱鄭老先生皆知其爲德輝也惜乎所作貪於
俳諧未免多於斧鑿此又別論焉

紫雲娘

齊景公哭晏嬰

周亞夫細柳營

李太白醉寫秦樓月

醜齊后無鹽破連環

陳後主玉樹後庭花

三落水鬼泛采蓮船

王太后捧印哭孺子

放太甲伊尹扶湯

秦趙高指鹿爲馬

傷梅香翰林風月

醉思鄉王粲登樓

周公輔成王攝政

迷青瑣倩女離魂

虎牢關三戰呂布

末旦頭
折次本

謝阿蠻梨園樂府

崔懷寶月夜聞箏

乾坤膏馥潤飢膚錦繡文章滿肺腑筆端寫出
驚人句番騰今共古占詞場老将伏輸翰林風

月梨園樂府端的是曾下工夫

金仁傑

仁傑字志甫杭州人余自幼時聞公之名未得與之見也公小試錢穀給由江浙遂一見如平生歡交往二十年如一日天曆元年戊辰冬授建康崇寧務官明年己巳正月敘別三月其二子護樞來杭知公氣中而卒嗚呼惜哉所述雖不駢麗而其大槩多有可取焉

蔡琰還朝

次本

秦太師東牕事犯

周公旦抱子設朝

言春來按

蕭何月夜追韓信

長孫皇后鼎鑊諫

玉津園智斬韓太師

蘇東坡夜宴西湖夢

心交元不問親疎契飲那能較有無誰知一上
金陵路歎亡之命矣夫夢西湖何不歸歟魂來
處返故居比梅花想更清癯

范康

康字子安杭州人明性理善講解能詞章通音律因
王伯成有李太白貶夜郎乃編杜子美遊曲江一下
筆即新奇蓋天資卓異人不可及也

曲江池杜甫遊春

陳季卿悟道竹葉舟

詩題鴈塢寫秋空酒滿觥船棹晚風詩籌酒令
閒吟詠占文場第一功埽千軍筆陣元戎龍蛇
夢狐兔蹤半生來彈指聲中

曾瑞

瑞字瑞卿大興人自北來南喜江浙人才之多羨錢
塘景物之盛因而家焉神采卓異衣冠整肅優游於
市井灑然如神仙中人志不屈物故不願仕自號褐
夫江淮之達者歲時餽送不絕遂得以徜徉卒歲臨
終之日詣門弔者以千數余嘗接音容獲承言話勉

勵之語潤益良多善丹青能隱語小曲有詩酒餘音
行於世

才子佳人誤元宵

江湖儒士慕高名市井兒童誦瑞卿衣冠濟楚
人欽敬更心無寵辱驚樂幽閒不解趨承身如
在死若生想音容猶見丹青

沈和

和字和甫杭州人能詞翰善談謔天性風流兼明音
律以南北調合腔自和甫始如瀟湘八景歡喜冤家
等曲極爲工巧後居江州近年方卒江西稱爲蠻子
關漢卿者是也

祈甘雨貸郎朱蛇記

徐駙馬樂昌分鏡記

鄭玉娥燕山逢故人

開法場郭興何楊

歡喜冤家

五言嘗寫和陶詩一曲能傳冠柳詞半生書法
欺顏字占風流獨我師是梨園南北分司當時
事子細思細思量不似當時

鮑天祐

天祐字吉甫杭州人初業儒長事吏簿書之役非其
志也跬步之間惟務搜奇索古而已故其編撰多使

人感動咏歎余與之談論節要至今得其良法才高
命薄今猶古也竟止崑山州吏而止

王妙妙死哭秦少游

史魚屍諫衛靈公

忠義士班超投筆

貪財漢爲富不仁

摘星樓比干剖腹

英雄士楊震辭金

漢丞相宋弘不諧

孝烈女曹娥泣江

平生詞翰在宮商兩字推敲付錦囊聳吟肩有

似風癡狀苦勞心嘔斷腸視榮華總是乾忙談
音律論教坊唯先生占斷排場

陳以仁

以仁字存甫杭州人以家務雍容不求聞達日與南
北士大夫交遊僮僕輩以茶湯酒果爲厭公未嘗有
難色然其名因是而愈重能博古善謳歌其樂章間
出一二俱有駢麗之句

錦堂風月

十八騎誤入長安

錢塘風物盡飄零賴有斯人尚老成爲朝元恐
負虛皇命鳳簫寒鶴夢驚駕天風直上蓬瀛芝

金史卷之九
堂靜蕙帳清照虛梁落月空明

范居中

居中字子正冰壺其號也杭州人父玉壺前輩名儒假卜術爲業居杭之三元樓前每歲元夕必以時事題於燈紙之上杭人聚觀遠近皆知父子之名公精神秀異學問該博嘗出大言矜肆以爲筆不停思文不闕筆諸公知其有才不敢難也善操琴能書法其妹亦有文名大德年間被旨赴都公亦北行以才高不見遇卒於家有樂府及南北腔行於世

向歆傳業振家聲義獻臨池播令名操焦桐只許知音聽售千金價未輕有誰如父子才能冰

如玉玉似冰映壺天表裏澄清

施惠

一云
姓沈

惠字君美杭州人居吳山城隍廟前以坐賈爲業公
巨目美髯好談笑余嘗與趙君卿陳彥實顏君常至
其家每承接款多有高論詩酒之暇惟以填詞和曲
爲事有古今砌話亦成一集其好事也如此

道心清淨絕無塵和氣雍容自有春吳山風月
收拾盡一篇篇字字新但思君賦盡停雲三生
夢百歲身到頭來衰草荒墳

黃天澤

天澤字德潤杭州人和甫沈公同母弟也風流醞藉

不減其兄幼年屑就簿書先在漕司後居省府鬱鬱
不得志崑山聽補州吏又不獲用咄咄書空而已然
亦竟不歸而終公有樂府播於世人耳目無賢愚皆
稱賞焉

一心似水道為鄰四體如春德潤身風流才調
真英俊軼前車繼後塵謾蒼天委任斯文岐山
鳳魯甸麟時有亨屯

沈拱

拱字拱之杭州人天資穎悟文質彬彬然惟不能俯
仰故不願仕所編樂府最多以老無後病無所歸存
甫館於家不旬日而亡存甫殯送之重友誼也

掀髯得句細推敲舉筆爲文善解嘲天生才藝
藏懷抱奈玉石相混淆更多逢世事咬嗚蜂爲
市燕有巢弔斜陽緩走西郊

趙良弼

良弼字君卿東平人總角時與余同里閉同發蒙同
師鄧善之曹克明劉聲之三先生又於省府同筆硯
公經史問難詩文酬唱及樂章小曲隱語傳奇無不
究竟所編梨花雨其辭甚麗後補嘉興路吏遷調杭
州天曆元年冬卒於家公之風流醞藉開懷待客人
所不及然亦以此見廢能裁字善丹青但以末技故
不備錄

春夜梨花雨

閑中袖手刻新詞醉後揮毫寫舊詩兩般總是
龍蛇字不風流難會此更文才宿世天資感夜
雨梨花夢歎秋風兩鬢絲住人間能有多時

陳無妄

無妄字彥實東平人與余及君卿同舍性資沈重事
不苟簡以苛刻爲務訐直爲忠與人寡合人亦難之
公於樂府隱語無不用心補衢州路吏後遷婺州陞
浙東憲吏調福建道天曆二年三月以憂卒其弟彥
正殯葬之樂府甚多惜乎其不甚傳也

府垣幾月露忠肝憲幕冰霜豈汗顏薏苡生讒

間甘心願就閒轉回頭夢入槐安後會何時再
英靈甚日還望東南翹首三山

廖毅

毅字弘道建康人泰定三年丙寅春因余友周仲彬
與之會即敘平生懽時出一二舊作皆不凡俗如越
調一點靈光借燈爲喻仙呂賺煞曰因王魁淺情將
桂英薄倖致令得潑煙花不重俺俏書生發越新鮮
皆非蹈襲天曆二年春抱疾喪於友人江漢卿家漢
卿與黃煥章買棺具殮名其親來火葬城外寺中公
能書善行文不草率題伍王廟壁有折桂令一曲及
有絕句浩浩凌雲志巍巍報國心忠魂與潮汐萬古

不消沉其感慨激烈徒憎悵快噫天之生物也裁成
輔相以左右民奈何如是之偏戾也人猶有所憾者
良以此夫

人間未得注金甌天上先教記玉樓恨蒼穹不
與斯人壽未成名一土丘歎平生壯志難酬朝
還暮春又秋爲思君淚滿鸛裘

喬吉甫

吉甫字夢符太原人號笙鶴翁又號惺惺道人美容
儀能詞章以威嚴自飭人敬畏之居杭州太乙宮前
有題西湖梧葉兒百篇名公爲之序江湖間四十年
欲刊所作竟無成事者至正五年二月病卒於家

怨風月嬌雲認玉釵

杜牧之詩酒揚州夢

玉簫女兩世姻緣

死生交托妻寄子

馬光祖勘風塵

荆公遣妾

唐明皇御斷金錢記

節婦牌

賢孝婦

九龍廟

燕樂毅黃金臺

平生湖海少知音幾曲宮商大用心百年光景
還爭甚空贏得雪髯侵跨仙禽路遶雲深欲挂
墳前劍重聽膝上琴漫攜琴載酒相尋

睢景臣

景臣後字景賢大德七年公自維揚來杭州余與之
識自幼讀書以水沃面雙眸紅赤不能遠視心性聰
明酷嗜音律維揚諸公俱作高祖還鄉套數惟公哨
遍製作新奇皆出其下又有南呂一枝花題情云人
間燕子樓被冷鴛鴦錦酒空鸚鵡盞釵折鳳凰金亦
爲工巧人所不及也

千里投人

鶯鶯牡丹記

楚大夫屈原投江

吟髭撚斷爲詩癡
醉眼慵開爲酒醅
半生才便作三閭些
歎番成薤露歌
等閒間蒼鬢成皤
功名事歲月過
又待如何

吳本世

本世字中立爲杭州天資明敏好爲詞章隱語樂府
有本道齋樂府小藁及詩謎數千篇以貧病不得志
而卒嗚呼惜哉

語言辯利掃千兵
心性聰明誤半生
來蕪窮又染維摩病
想天公忒情使英雄
遺恨難平寒

泉淨碧藻馨敢薦幽冥

周文質

文質字仲彬其先建德人後居杭州因而家體貌清
癯學問該博資性工巧文筆新奇家世儒業俯就路
吏善丹青能歌舞明曲調諧音律性尚豪俠好事敬
客余與之交二十年未嘗跬步離也元統二年六月
余自吳江回公已抱病盛暑中止以爲癰瘡之毒而
不經意也醫足踵門病及五月而無瞑眩之藥十一
月五日卒於正寢嗚呼哉始余編此集公及見之
題其姓名於未死鬼之列嘗與論及亡友未嘗不握
手痛惋而公亦中年而歿則余輩衰老萎憊者

以久於人世也歟噫往者不可追來者不可期已而已而此余深有感於公也

孫武子教女兵

春風杜韋娘

持漢節蘇武還鄉

敬新磨戲諫唐莊宗

丹墀未叩玉樓宣
黃土應埋白骨冤
羊腸曲折雲千變
料人生亦惘然
歎孤墳落日寒煙竹下
泉聲細梅邊月影圓
因思君歌舞十全

已死才人不相知者

胡正臣

正臣杭州與志甫存甫及諸公交遊董解元西廂記
自吾皇德化至於終篇悉能歌之至於古之樂府慢
詞李霜涯賺令無不周知辭世已三十年矣士大夫
想其風流醞藉尚在目前其子存善能繼其志小山
樂府仁卿金縷新聲瑞卿詩酒餘音至於羣玉叢珠
裒集諸公所作編次有倫及將古本 直取潭州
易氏印行元文 讀無訛盡於書坊刊行亦士林之
翹楚也余嘗言之人孰無死死而有子人孰無子如
胡公之嗣若敖氏之鬼不餒矣

李顯卿

顯卿東平人以父爲浙省掾因居杭焉自幼粗涉書

史酷嗜隱語遂通詞章作賺煞成
篇總而計之

四百樂章稱是至正辛己以廕父職錢穀官由台州
經慶元會余別後遂無聞久之不祿矣

王思順

思順有題包巾及鏡兒縷帶等套數

蘇彥文

彥文有地冷天寒越調及諸樂府

屈彥英

彥英字英甫編一百二十行及看錢奴院本等

李齊賢

齊賢與余同窗友後不相聞亦有樂府

李用之

用之淞江人有戲謔樂府極多

劉宣子

宣子字叔昭與余同窗後不相會故不知其詳所編樂府甚多補淮東憲司書吏卒

顧廷玉

廷玉淞江人有樂府

俞仁夫

仁夫杭州人有樂府

張以仁

以仁湖州人有樂府

右所錄若以讀書萬卷作三場文占奪巍料首登
甲第者世不乏人其或甘心岩壑樂道守志者亦
多有之但於學問之餘事務之暇心機靈變世法
通疏移宮換羽搜奇索怪而以文章爲戲玩者誠
絕無而僅有者也此哀誅之所以不得不作也觀
者幸無誚焉

方今才人相知者紀其姓名行實并所編

黃公望

公望字子久乃陸神童之次弟也係姑蘇琴川子游
巷居髫髻時螟蛉温州黃氏爲嗣因而姓焉其父年
九旬時方立嗣見子久乃云黃公望子久矣先充浙

西憲令以事論經理田糧獲直後在京爲權豪所中
改號一峰原居淞江以卜術閒居目今棄人間事易
姓名爲苦行淨豎又號大痴翁公望之學問不待文
飾至於天下之事無所不知下至薄技小藝無所不
能長詞短曲落筆即成人皆師尊之尤能作畫

吳仁卿

仁卿字弘道號克齋先生歷仕府判致仕有金縷新
聲行於世亦有所編傳奇

子房貨劍

火燒正陽門

醉遊阿房宮

楚大夫屈原投江

秦簡夫

見在都下擅名近歲來杭回

東堂老勸破家子弟

天壽太子邢臺記

玉溪館

義士死趙禮讓肥

陶賢母剪髮待賓

趙善慶

善慶字文賢饒州樂平人善卜術任陰陽學正又別
作趙文寶名孟慶

孫武子教女兵

唐太宗驪山七德舞

醉寫滿庭芳

村學堂

燒樊城糜竺收資

張可久

可久字小山慶元人以路吏轉首領官有樂府盛行於世又有吳鹽蘇堤漁唱等曲編於隱語中

錢霖

霖字子雲淞江人棄俗爲黃冠更名抱素號素菴類諸公所作曰江湖清思集其自作樂府有醉邊餘興

詞語極工巧

徐再思

再思字德可嘉興人好食甘飴故號甜齋有樂府行於世其子善長頗能繼其家聲

顧德潤

德潤字君澤道號九山淞江人以杭州路吏遷平江自刊九山樂府詩隱二集售於市肆

曹明善

明善衢州路吏甘於自適今在都下有樂府華麗自然不在小山之下即賦長門柳二詞者

汪勉之

金身錄卷下
勉之慶元人由學官歷浙東帥府令史鮑吉甫所編
曹娥泣江公作二折樂府亦多

屈子敬

子敬英甫之姪與余同窗有樂府所編有田單復齊
等套數以學官除路教而卒樂章華麗不亞於小山

田單復齊

孟宗哭竹

敬德撲馬

昇仙橋相如題柱

宋上皇三恨李師師

高克禮

克禮字敬德號秋泉見任縣尹小曲樂府極爲工巧
人所不及

王庸

庸字守中歷蘆花塲司令其製作清雅不俗難以形
容其妙趣知音者服其才焉

蕭德祥

德祥杭州人以醫爲業號復齋凡古文俱隲括爲南
曲街市盛行又有南曲戲文等

四春園

小孫屠

王脩斷殺狗勸夫

四大王歌舞麗春園

包待制三勘蝴蝶夢

陸登善

一云
姓陳

登善字仲良祖父維揚人江淮改浙江其父以典掾
來杭因而家焉爲人沉重簡默能詞能謳有樂府隱
語

開倉糴米

張鼎勘頭巾

朱凱

凱字士凱自幼子立不俗與人寡合小曲極多所編
昇平樂府及隱語包羅天地謎韻皆余作序

孟良盜骨殖

黃鶴樓

王擘

擘字日華杭州人體豐肥而善滑稽能詞章樂府臨風對月之際所製工巧有與朱士凱題雙漸小卿問答人多稱賞

臥龍岡

雙賣華

破陰陽八卦桃花女

王仲元

仲元杭州人與余交有年矣所編于公高門等

東海郡于公高門

袁盎却坐

私下三關

吳朴

朴字純卿平江人余至姑蘇與公相識所作工巧平江之自是者好貶人故不多出恐受小人之謗也

孫子羽

子羽儀真人

杜秋娘月夜紫鸞簫

張鳴善

鳴善揚州人宣慰司令史

包待制判斷煙花鬼

黨金蓮夜月瑤琴怨

右當今名公才調製作不相上下蓋繼乎前輩者
半爲地下修文郎矣其聲名藉藉乎當今者後學
之士可不斂衽而敬慕焉歲不我與急爲勉旃雖
然其或詞藻雖工而不欲出示或妄意穿鑿而亟
欲傳梓政猶匿稅之物不經批驗者其何以行之
哉故有名而不錄

方今才人聞名而不相知者

高可通

有小曲行於世者極多

童君瑞

真定冀州人隱語樂府多傳於江南

李邦傑

有隱語樂府人多傳之

高安道

有御史歸莊南呂小曲

已上有聞者止如此蓋有一鄉之士一國之士天下之士名譽昭然者自鄉及國可及天下矣故無聞者不及錄

錄鬼簿卷下

畢

後序

文以紀傳曲以弔古使往者復生來者力學鬼簿之作
非無用之事也大梁鍾君名嗣成字繼先號醜齋善之
鄧祭酒克明曹尚書之高弟累試於有司命不克遇從
吏則有司不能辟亦不屑就故其胸中耿耿者借此為
喻實為已而發也樂府小曲大篇長什傳之於人每不
遺藁故未能就編焉如馮諼收券詐遊雲夢錢神論斬
陳餘章臺柳鄭莊公蟠桃會等皆在他處按行故近者
不知人皆易之君之德業輝光文行浥潤後輩之士奚
能及焉噫後之視今亦猶今之視昔也日居月諸可不
勉旃

至順元年九月吉日朱士凱序

余僻居慈谿小縣每歎孤陋側聆繼先鍾先生大名久矣莫遂荆識丁丑孟秋一日邂逅於東臯精舍忽忽東之鄖城至中秋復回谿上示予以親編錄鬼簿皆本朝顯宦名公詞章行於世者恐後湮沒姓名故編排類集記其出處才能於其前度以音律樂章於其後千萬載之下知其爲何人直欲俾其爲不死之鬼也先生之心誠可嘉尚於其行遂歌湘妃曲以贈

高山流水少人知幾擬黃金鑄子期繼先旣解其中意恨相逢何太遲示佳篇古怪新奇想達士無他事錄名公半是鬼歎人生不死何歸

慈谿邵元長德善頓首

想開元朝士無多觸目江山日月如梭上苑繁華西
湖富貴總付高歌麒麟塚衣冠坎坷鳳凰臺人物蹉
跎生待如何死待如何紙上清名萬古難磨

右折桂令

周誥題

何人千古風騷如意珊瑚弱水鯨鰲紙上功名曲中
恩怨話裏漁樵歎霧閣雲牕夢杳想風魂月魄誰招
裏驪珠淚冷鮫綃續鴟絃指凍鸞膠傳芳名玉兔揮
毫譜遺音彩鳳銜簫

至正庚子七月八日西清道士朱經仲義題

余自幼性好抄錄書字雖不端楷然見一奇書異典務

必求假而錄之雖大寒暑中亦不憚勞此本昔見於核
菴王老先生處即就假錄焉藏之書篋以見前輩之風
流雅趣耳近一友人借去至於取索則再四不肯相復
余謂斯行實非君子之所爲其得罪於聖賢玷累於德
行多矣第不欲顯其姓字耳今偶得鄉人太常陳生藏
本又重錄之假書君子當以顏氏家訓爲戒毋學斯人
之行也歟

洪武戊寅歲端陽越三日吳門生識

余雅欲觀元人傳奇詞曲偶得是帙中多載其名目不
計妍醜聊爲錄之間有不成語處幾欲輟筆爲所錄且
半遂卒業焉牛溲馬溲醫者不棄亦竊附此義云

萬曆甲申陽月甲子夢覺子漫識

蘇京藏甫丙戌九月
重刻于揚州博陵

宋見傳後

影印
大冊

金石叢書

海甯陳氏百一廬校輯
上海古書流通處經售

海甯陳氏百一廬主人收藏圖書金石甚富近復發願將所藏金石書中選擇世所希見而足資金石家考證者影印流布其有不足則假之朋舊海內藏家大半為主人素識且皆樂觀厥成遂得集合衆長編為叢書茲已輯得九種先行付印委託啟處經售其發售辦法俟印成樣本後再當登報通知
古書流通處啟

目錄

嘯堂集古錄

影宋本有元人手跋

王復齋鐘鼎款識

儀徵阮氏據宋拓影刻本

焦山鼎銘攷

翁方綱手寫刻本

集古虎符魚符攷

瞿木夫家刻本

漢熹平石經殘字

三山陳氏刻本

蜀石經殘字

三山陳氏刻本

瘞鶴銘攷

汪退谷手寫刻本

廟堂碑唐本存字

翁方綱手寫刻本

蒼玉洞題名石刻

劉燕庭手寫刻本

附啟

見聞有限宏願難償海內藏家有以此類書惠假影印者至為歡迎印成之書必於首葉注明某人

藏本以答高誼如願割愛者當備重價為酬賜示接洽請

寄上海古書流通處轉交

百一廬主人謹啟

原版
影印

知不足齋叢書

歙縣鮑澐飲廷博輯刻知不足齋叢書久為藝林推重

約而言之蓋有數善全書三十集都二百餘種搜羅之

富實罕其比所輯各種或舊刻脫訛而此獨完好或中

土久佚而傳自海外無陳陳相因之弊且皆學者必需

之書採輯之善允推獨步澐飲交游如盧召弓文昭顧

澗蘋

廣圻

吳枚庵

翌鳳

朱朗齋

文藻

輩各盡所長助其

校勘而趙氏小山堂汪氏振綺堂吳氏瓶花齋孫氏壽

松堂諸家復不吝輒借供其選擇集腋成裘固士禮居

守山閣諸叢書所不能及也年久板燬其僅存者歸於

粵東一再補刻魯魚觸目初印之書稀如星鳳吳縣許
博明先生以重金購得初印三十集足本為鮑氏家藏
本字畫精神與通行本迥不相侔且有印行之後復一
再校改者故與通行本字句亦間有不同即開卷總目
數葉已為向所未見借印流布想宏達所嘉許焉

古書流通處啟

全書三十集二百餘種一萬六千餘頁採用上等中
國連史紙原式影印精裝二百四十冊定價洋八十
元發售預約三百部分甲乙兩種辦法欲知詳細請
閱樣本附有購書簡章函索附郵票三分即奉